

৩। উদ্দেশ্য :

দুগ্ধ ও দুগ্ধজাত পণ্য সামগ্রী উৎপাদন, প্রক্রিয়াজাতকরণ ও বাজারজাতকরণের মাধ্যমে বাংলাদেশের ক্ষুদ্র, প্রান্তিক ও ভূমিহীন দুগ্ধ উৎপাদনকারী কৃষকদের আর্থ-সামাজিক অবস্থার উন্নয়ন সাধন করিবার জন্য মিল্ক ইউনিয়নের নিম্নলিখিত উদ্দেশ্য থাকিবে।

- (১) (ক) সদস্য সমিতির স্বার্থ ক্ষুণ্ণ না হয় সেই দিকে লক্ষ্য রাখিয়া প্রাথমিক সমিতি সমূহ বা অন্যান্য উৎস বা প্রতিষ্ঠান হইতে তরল দুগ্ধ ক্রয় করিয়া মিল্ক ইউনিয়নের কারখানাসমূহে প্রক্রিয়াজাত করিবার পর তাহা সরবরাহ ও বিক্রয়ের বন্দোবস্ত করা।
- (খ) প্রাথমিক দুগ্ধ উৎপাদনকারী সমবায় সমিতি সংগঠন করা ও তাহাদের উন্নয়ন সাধন করা।
- (গ) সদস্যভুক্ত প্রাথমিক সমিতিসমূহের দৈনন্দিন কার্যাবলী সম্পাদনে তাহাদিগকে সার্বিকভাবে সহযোগিতা প্রদান করা এবং তাহাদের কার্যাবলী যাহাতে সুষ্ঠুভাবে সম্পাদন হয় তাহার জন্য মিল্ক ইউনিয়ন তাহাদের দৈনন্দিন কার্যাবলীতে নিয়মিতভাবে আদেশ, নির্দেশ ও উপদেশ প্রদান করিতে পারিবে এবং তাহাদের কার্যাবলী পরিদর্শন, পরীক্ষা, তদারক, সংশোধন ও নিয়ন্ত্রণ করিতে পারিবে।
- (ঘ) দুগ্ধ উৎপাদনকারী কৃষকদিগকে সবুজ ঘাস উৎপাদনসহ অন্যান্য কৃষিজাত পণ্য, ফল ও শাকসব্জী উৎপাদনে উৎসাহ প্রদান করা।
- (ঙ) সমবায়ের আলোকে দুগ্ধ শিল্প উন্নয়নে দুগ্ধ উৎপাদনকারী কৃষকদের আর্থ-সামাজিক অবস্থার উন্নতি সাধনের জন্য দুগ্ধ উৎপাদনকারী প্রাথমিক সমিতি সমূহকে প্রয়োজনীয় সকল প্রকার সাহায্য, সহায়তা ও উপদেশ প্রদান করা।
- (চ) গবাদিপশুর জাতের উন্নয়নের জন্য কৃত্রিম প্রজনন উপকেন্দ্র স্থাপন ও পরিচালনা করা এবং সেই সংগে প্রাথমিক সমিতির সদস্যদের জন্য উন্নতমানের গবাদিপশু ক্রয়, বিক্রয় ও বিতরণ করা।
- (ছ) দুগ্ধ ও অন্যান্য পণ্য সামগ্রীর উৎপাদন বৃদ্ধিতে প্রাথমিক সমিতিসমূহকে সহায়তা প্রদান করা।
- (জ) মিল্ক ইউনিয়নের স্থাবর ও অস্থাবর সম্পত্তি ক্রয়, বিক্রয় বা হস্তান্তর করা এবং স্থল বা দীর্ঘ মেয়াদী পত্তনী আনিবার ব্যবস্থা করা।
- (ঝ) গো-খাদ্য তৈরীর যাবতীয় কাঠামাল ক্রয় ও গো-খাদ্য উৎপাদন এবং তাহা প্রাথমিক সমিতির মধ্যে বিক্রয়ের বন্দোবস্ত করা।
- (ঞ) দুগ্ধ ও দুগ্ধজাত পণ্য সামগ্রী বা অন্যান্য পুষ্টিকর বস্তু উৎপাদনের জন্য বিভিন্ন ধরনের মেশিনারী, যন্ত্রপাতি বা মোড়ক সামগ্রী ক্রয় বা উৎপাদনের ব্যবস্থা করা।
- (ট) প্রয়োজনে বিভিন্ন ধরনের তরল দুগ্ধ ও দুগ্ধজাত সামগ্রী উৎপাদনের জন্য প্রক্রিয়াজাতকরণ কারখানা স্থাপন, কারখানার দালান কোঠা নির্মাণ, মেশিনারী ক্রয়, বিক্রয় এবং ল্যাভরেটরী ইত্যাদি স্থাপনের ব্যবস্থা করা।
- (ঠ) দেশে স্থাপিত অনাকোন প্রতিষ্ঠানে যদি কোন দুগ্ধ বা দুগ্ধজাত সামগ্রী প্রক্রিয়াজাতকরণের কারখানা আর্থিক দিক দিয়া সুবিধাজনক হয়, তাহা হইলে প্রয়োজনে তাহাদের দায়িত্বভার গ্রহণ করা।

- (ড) প্রাথমিক সমিতির সদস্যদের মাঝে সংগঠনের মনোভাব গড়িয়ে তুলিতে উৎসাহ প্রদান করা ।
- (ঢ) প্রাথমিক সমিতি সমূহে গবাদিপশুর চিকিৎসা, টিকা প্রদান ও কৃত্রিম প্রজননের ব্যবস্থা করা এবং তাহার জন্য প্রয়োজনীয় পরিমাণ ঔষধ, টিকা, কৃত্রিম প্রজননের বীজ ইত্যাদির ব্যবস্থা করা ।
- (ণ) প্রয়োজনে বা প্রাথমিক সমিতির অনুরোধে গবাদিপশুর বীমার ব্যবস্থা করা ।
- (ত) প্রয়োজনে নূতন নূতন এলাকায় সার্ভে করিয়া সেই এলাকায় প্রাথমিক সমিতি সংগঠন ও ব্যবসায়িক ভিত্তিতে দুগ্ধ কারখানা স্থাপনের ব্যবস্থা করা ।
- (থ) দুগ্ধ ও দুগ্ধজাত পণ্য সামগ্রী উৎপাদনের সংগে জড়িত অন্যান্য প্রতিষ্ঠান সমূহকে কারিগরী, আর্থিক ও প্রশাসনিক সহায়তা প্রদান করা ।
- (দ) সমবায় দুগ্ধ শিল্প উন্নয়নে সমবায় প্রচার ও সমবায় শিক্ষার উপর বিভিন্ন ধরনের প্রচারণা কার্যক্রম পরিচালনা করা ।
- (ধ) উপ-আইনে বর্ণিত উদ্দেশ্য সমূহ সুষ্ঠুভাবে সম্পাদনের জন্য কোন স্থানীয় বা আন্তর্জাতিক গবেষণা বা ব্যবসায়িক প্রতিষ্ঠানের সংগে চুক্তিবদ্ধ হওয়া ।
- (ন) দুগ্ধ ব্যবসার উন্নতিকল্পে উপরোক্ত উদ্দেশ্য ছাড়া অন্য যে কোন কার্যক্রম গ্রহণ করা ।
- (প) প্রাথমিক সমিতির সদস্য ও কর্মচারীদের এবং মিল্ক ইউনিয়নের শ্রমিক, কর্মচারী ও কর্মকর্তাদের দেশে ও বিদেশে প্রশিক্ষণের ব্যবস্থা করা ।
- (২) (ক) মিল্ক ইউনিয়ন এবং প্রাথমিক সমিতির তহবিল সংগ্রহের জন্য দুগ্ধ ও দুগ্ধজাত পণ্যসামগ্রী উৎপাদনের সংগে জড়িত কোন গবেষণা বা উন্নয়ন মূলক প্রতিষ্ঠান গড়িয়ে তোলা ।
- (খ) ইউনিয়নের কর্মকর্তা এবং কর্মচারীদের উন্নতির জন্য তহবিল এবং ট্রাষ্টি বোর্ড গঠন করা ।
- (গ) প্রাথমিক সমিতির সদস্যদের স্বাস্থ্য, জীবন বীমা ও গবাদিপশু বীমা ধর্মের জন্য তহবিল এবং ট্রাষ্টি গঠন করা ।
- (৩) (ক) ব্যবস্থাপনা কমিটি কর্তৃক অনুমোদিত ও নিরূপিত শর্তে সরকার, ব্যাংক বা কোন আন্তর্জাতিক প্রতিষ্ঠান হইতে ক্যাশ ক্রেডিট, কর্জ, আমানত, হুন্ডি, প্রমিসারী নোট, বিল অব এক্সচেঞ্জ ডাংগাইয়া অর্থাৎ ডিস্কাউন্ট করিয়া অথবা অন্য প্রকারে মূলধন সংগ্রহ করা । সমিতির স্থাবর, অস্থাবর সম্পত্তি বিক্রয়, পণ্য বা গুদামের গচ্ছিত মালাদি রেহান বন্ধক, গচ্ছিত বা হস্তান্তরক্রমে অথবা অন্য উপায়ে উক্ত ঋণ পরিশোধের ব্যবস্থা করা ।
- (খ) ব্যবস্থাপনা কমিটি কর্তৃক বিভিন্ন সময়ে নিরূপিত শর্তে যে সকল দলিল, জানানত ইত্যাদি রাখিবার বা ব্যবহার করিবার প্রয়োজন হইবে তাহা নিরাপদ স্থানে রাখিবার ব্যবস্থা করা ।
- (গ) সাধারণত মিল্ক ইউনিয়নের উদ্দেশ্য সাধনের জন্য প্রয়োজনীয় যেকোন কার্যক্রম গ্রহণ করা ।